

MISIANGTHOUTE DETNA (PERSEVERANCE OF THE SAINTS)

Rev. H. Chin Thiansong, Coordinator (*Ministries*)

Misiangthou te detna chih tuh hotdamna amang theikei chihna ahipah hi. Hiai omdan tuh teelte pen Krist' tatte ahi ua (*Johan 3:16*), Kha-Siangthou hihhin in aom ua, ginna a Pathian' thilhihtheihna a kepbit in aom uh (*Johan 17:16*). Huaiziakin khalam a hihhinna a tangtawn a Krist toh zopkhawm a om hotdamsate tuh ahotdamna uh tangtawnin abit hi. Pathian' tangtawn itna leh lamdang ngeilou itna akipan bangmahin amaute akhenkhe thei ngeikei ding (*Romete 8:35-37*). Amaute tuh tangtawn thupina a dinga sehkhohh a omte ahi ua, vangam tuh amau a hisa ahi.

Pathian' teel sate, huan Krist-in atatsate, leh Kha-in ginna apiaksate tengteng tuh tangtawn a hotdamin a om uhi. Amaute tuh Pathian Hattungnung' thilhihtheihna a kepin a om ua, huchin atawp tanphain a det uhi. (*Johan 3:16, 36; 10:29; 6:35-40; Isai 43:1-3, 54:10; Romete 8:35-39; Hebrute 10:14; 12:28; IPeter 1:3-5; IJohan 15:13*).

Misiangthou te detna thu Calvin in tomchik leh bukim mahmahin sinsakna ana bawl hi, anuai a bangin; Hotdamna tuh Pathian a mi Thumte' thuneihna sangpen in asepkhiak ahi. Pa in mite ateel a, Pa in ateel mite a dingin Tapa Jesu Krist asi a, huan Kha-Siangthou in Krist' sihna pen ginna leh kisikna in teelte kiang ah agahsuah sak hi. Huchiin teelte tuh kithaloptakin gospel athuman sak hi. Hiai omdantak tuh: telna, tatna, hihhinna ahi. Huaituh Pathian' nasep ahi a, a hehpihna ziak kia ahi (*Nasepte 2:8*).

Huaiziakin ihotdamna uh eimah in ikep hilou a, Jesu in akep ahihman in abit hi (*Johan.17:12*). Kidek zouloute leh duh-am te'n hotdamna

ahita a, a poipetmah bangchi'n I bawl thakta diale?

A thutawp dingin: U-le-naute aw, I gam ah Halhthakna a tun taktak theih nadi'n, I vei taktak aleh, I khelhnate uleh I thilchin hoihloute tawpsan taktak maini ei... lawmte, dinmun poimoh pipi I saptuam a leenkawma zu-le-sa sala tang laite kingaihtuah vengvengin tawp santale, i huchih kei mawk ualeh, kei Pastor'bialsung a isaptuam bangzah hiam ah puukna leh kidalhzakna tung thei dinmunte kamuh chian ah dipkuan-huailua

ahi,himahleh, Pathian'muangin thumna toh pangpeuhle chi'n kikhamuanni uh aw. A mawkna a pawngpaw thumthum inle TOUPA'N Adeihna a sukha ngei kei ding a, Pathian deihdantak a, Amah lungtang sukha hial khop dia ikisiik chiangun HALHTHAKNA hongtung theipan ding hi. I Laisiang- thou in, "kithoihna sangin thuman a hoihzaw" achih bangin, Pathian' lungtunnna taka ihinkhua uh ihon zattheih chiangun, igam uah 'HALH THAKNA DIKTAK' a hongtung thei pan ding hi. Pathian in Simtute A 'khut muanhuai honpi chiattahen aw!

na ding leh theih gige na ding in bang hiam khat hon pat khat awm ding in ka lam in hi "chi hi. Anna Jarvis in kum 12 (Twelve years) ahih in Anu Mrs. Jarvis in 'Bible a Nute' Chih thupi a nei in sinsak na ah vatel hi, Anun asin sak zawh in thum na nei a athumna ah "Khat veitei kua hiam khat in nuute ni hon phuh khiak ngei ding ka lam hihuai lah nuuten a phu him uh ahi ngala" chi in thum hi.

Anna Jarvis ahongkhan let dung jui in ahin khua asiang thou thei pen ding in hong zang tou kawm in Pathian nasem ding leh asih tan a pasal leng neilou a, pasal a kisubuai lou a, Pathian a dia gin awm ding in thupuk na bawl hi. Kum 38 (Thirty eight) a upa hong hih in apan ana sih san hi, May 1, 1905 in Anun sih san leu leu hi.

Anna Jarvis in anuu thugen te mang ngilh thei lou hi, anuu sih ni in akivui na pamdeuh ah amh kia in ding a anuu thumna te ngaih tuah in gen thak thak hi, "Nuten mihing hin khua adia asepkhiak thupi mah mah suiseng vual louh te ziak in amau te theih gige na ding a khat vei tei kua hiam khat in

NUTENI hon phuh khiak ngei ka lam hi huai lah Nuten a phu (worthy) uh ahi ngal a "Hucia anuu thum na gen a awmlai in Asanggampa Claude in a naumu thugen ja in hon naih a akiang ah 'Pathian zahngaih na ziak inhuai NUTENI apan khia honghin' chi in han thawn hi.

Anu leh pa'n anut siat (Sihsan) nung in thomhau na leh Lauhthong na in dim a alungsim leh taksa chidam lou tak in ahin khua hong jang ta hi, hun paisa, ahin khua amanghilh theih louh, anu thugen te ziak in anu aiiit na ngaih na a uang sem sem a anu deihsak na te alung sim suang tuah na ah thamden hi.

Huchi in, Miss Anna Jarvis in Asisa anu deihthusamsuk buchin na ding in theih tawp suah in pan hon la ta hi, Anu sihnung kumkhat china (Death anniversary) 09 May 1906 in alawmte chial khawm in, 'NUTENI' a nasep khiak dingte apoimoh bang bang hiam chih et khawm na nei in, NUTENI (Mother's day) Nute pahawina ni a zat ding in ana genpilh hi. Anna Jarvis in anu kum 20 val ving veng Sunday school a ana sepna Andrew Methodist Church ah

mangtheilou ahi chih suanlam a neiin khovel mite toh kibangan om uhi. Ahihhangin Piangthaksa leh hotdamsa mite hiai khovel noptalnate leh thilgilou a ahong kibual Chiang un a pap hiai leitung damsung mah in ataksa tung uah amu teitei sek uhi chih mangilh loua ihun neihaite pilvangtaka zatding ahi hi (2Samuel 12:7-14).

Sawltak Paul in na hotdamna uh lau leh ling kawmin semkhia un achih bangin, pilvangtak a ihun neiilai teng Pathian deihna banga zangin Krist batsem itumchiat ding uh. Huai dingin Toupa'n hon vualzawchiat ta hen.

MOTHER'S DAY

Pastor Int S. Kamdougang Ngaihte
Covenant Presbyterian Church NE Khawdungsei Mizoram

Amasa in IMessenger deih thoh huai tak mai simtu teng teng na vek un I Toupa Jesu min in Mothers day chibaih kon buk masa hi.

Thupat na

Nute ni pen Nute moh puak na piak na hilou in Nute Asep hoih na te uh jiaak a pah tawi na piak na ni hi zaw hi. Nu te Ni (Mothers Day) Tung tawn a Nuteng teng in pahtawi, na itan theih na ding in Nute Ni Hong kipat khat dan sau lou in en khawm le hang i chi hi.

Nute ni (Mother's Day) Pankhetu Anna Jarvis May 1, 1864 in Webster Taylor Country, West Virginia ah piang hi. Aman aneulai in anuu deihsakna adeihthusam a gen jelte mang ngilh theilou hi anu thugen "Nuten midangte leh amau hin khua a asepkhiak uh thupi mah mah suiseng louh ding khop a thupi a hih man in kua hiam khat in hon na paisanta nute leh hondampih lai nute teng teng pahtawi

KIPATHU GENNA

Kaihnam Presbyterian Church in ka biakin uh, Pulpit (stage) lak keklet ding tup a ka neih uh semsua hou lou a ka om lai un Rev. Khen P. Tombing tungtawn a Pathian hoihna tang in, amah tungtawn in ka bawl zou theita ua, hiai bang a nna thupitak hon sep ziakin amah tung leh Pathian tung ah hiai i news tungtawn un KIPATHU ka hon gen uhi. Pathian in a lehtampi in vualzawl hen chih ka thumna uh ahi.

Kipak.

Deacon S. Ginmuan
Chairman, BoD

Deacon K. Sonlun
Secretary, BoD



Sunday school superintendent a omlel Grafton kiang ah Mothers day puh khiak ding nget na lai 1908 kum in pia hi, huchi in Grafton in Pathian leh nute azahtak ziaak in huai nget na lai zah tak leh pomsak na lai pekik hi, huchi in 10th may 1908 ni in Nute ni zat masak pen ding in West Virginia leh Pennsylvania ah, Philadelphia Biakin ah Mothers day pat in awm hi, Huai hun in Naupang 4000 val te leh anute uh, Mothers day zang te Pastor in Johan 19: 26-27 pan san in Nute dinmun gen in 'Nute' pahtawina pia hi, Anna Jarvis in anu theih gige na ding lah damlaite Nute pah toi na ding in, huaini a kikhawm teng teng Nute kiang ah, Anu'n adamlai a adeih mah mah pak (Flower) Ngou (White) chi khat 2 (Two) chiat pia hi.

1914 in USA ah kum teng in May Pathianni Nihna (Second Sunday of May) Mother's Day leh Holiday a zat ding in USA Congress president Woodrow Wilson in ana puang ta hi, huai mah hong pai tou in Jarvis sihni tan in gam tuam tuam 40 tan in zang a tu ni in nang leh ken leng huai mah ki zang lai hi.

Thu khit na:

Tu lai in Nu te, I ta leh nau te akipan in Nu hih na in bang zah in pahtoi na mu tak hi ding in iki koih a Taten pah tawi na muh tak ding in hon thei/ koih uhia? Huchibang a pah tawi na mu ding a nakigin tak kei leh huai bang pah taei na muthei ding a hon siam tu Pathian kiang ah kik thak le chin Aman hon siam thak non ding hi Ta leh nau te leh midang te akipan pahtawi na tang tu "NU" hiding in Toupan honvualzawl ta hen..

Halhthakna atang suak mai uhi. Tuabang Halhthakna, Kelkang [Mizoram] apan, "Chhim Presbyterian Church" Lailamveng, Lamka ah kisunzomtou denlai hi; eite lak ahle tuabang Halhna tung mengleh angaklah huaitel mai maw!

Tuabanah, Pu R.A. Torey in, "Halhthakna itanna ding in kalbi sagih(7) agente hiaite ahi: i) Jesu Khrist peen, na Lal-leh-Hotdampa in na pom ding ahi, ii) Na khelhna-leh-gitlouhmate na phuangkha in na tawpsan ngam ding ahi, iii) Pathian kiang ah naki pumiak ngam taktak ding ahi, iv) Khalam a dang- takna taktak naneih akul in poimoh ahi, v) Khasiangthou tan taktakna ding in biakna [Biak inn-kai] limsak petmah poimoh ahi, departmental komiti a mohpuakna itante gin-ontak a chimtak louhial sepsuahjel, vi) Na ngetna musa leh, vii) tangsa bangin kiang in.

Tuabangteng hitaleh, aman piak ding I pengam taktak na diamle? Atung a igen taksa mah bang in, HALHTHAKNA mi'n atan Chiangun; tawpsan ding, ita'n ngam leh I leibatte ditnawn ding inei zelzel uhi. I TOUPA lakah, Pu Jakai ahong pianthak vanglak takin bang

thu ahon geen ale? "ka TOUPA nekguk teng a lehli(4) in kadin ding hi" ahon chingam top mai hi. Igam uah, nekguk a hausa, officer neguthei leh poisak neilou a, thilguk chichih a zongsang ina om khak zenzen leh, Pu Jakai bangin Halhthakna tangin omchiat taleng, bangzahta a I gam imi namsung pumi nuam ding? Mizawng te 'nle bangzahta in tanvou atang theita ding uale? Eitenle hiaibang chiindan hoih lua izang ngamta di uamle? Halhthakna diktaktuh, I bawl khelhte alehli(4) a dit ngamna ahi. Welsh gam ah Halhthakna atunlai in, a thilguk uh Hotel ah thil tamtak Pathian minin kisik in a laankhia zungzung uh" akichi hi. Huai Welsh apan Halhthakna hongpai suak pe'n eite'n I sutzom di hinapi'n ipuksan ua I halhthak ua kha-khanlohna izat di hinapi'n I tutpilh maimai ua poi petmah hi. Halhthakna leh bawlkhelhte, kisikna leh kitunding thak nawna akizom ding ahi. Thamlou in, gitlouhna leh khelhmate tawpsan ngamchiatin, vuallel ngamkhop di'n hangsan chiatle Halhthakna diktak itang thei chiat ding uhi. Tulai igam a Pathian'thu tualleng peen ahiehleh, khelhna kisikna kisikna tellou a pianthakna

4. Halhna ilak ua a tunna dingin, pawngpaw zonbeh sangin I saptuam member omsate puahphat a, tun- dingna nasep poimoh masapen hi. Huaituh, Pentikost-Ni a Khasiangthou nasep theihdan (power) kibang lailai a, a hawmthohuaai nai hetkei' chile igen khial lawmlawm kei ding, Kha I poimoh hetkei ua I ngen kei di uh' chihlabel hisamlou, a masa ding masa sakphotle chihna eive. Mi pawl khatte' n mahni Saptuam kepbit leh Khalam khantouhna dia phungvuh sawmlou in, a ging lam peuh leh mun tuamtuam, pawldang leh mitam na lamlam delh doidoi chiing pawl ki omthamlua hi. Huchi hitaleh, mi piangthak dik tak te' nbel, Khasiangthou donbeh sangin, eimah sunga Khahing pe' n in nna asepe theih nading a, khelhna leh gitlouhna I neihte uh tawpsan in kisik in Khrist kiang lam zuan taktakle HALHNADIK kitang zaw ding hi. Bishop Denin in ageen bangin, **“Revival diktak tuh ki diksak sangin kisikna leh thupha tawi zou pouh leng Halhna kitang dik zaw ding”** ana chihi. Hiai omdan taktuh, khamiitna kituh a koi lamlam gamteng gamphut tuah lehleh sangin, eimah a om Khasiangthou penin nna asepe

theihna dingin, khelhna leh gitlouhna I neihte uh, kiphuangkhiak tamzawka a, Pathian leh kei/ ei kikal hihfel gige ding' chih ahi deuhpen hi. D.L. Moody in, **“khowel imuh tokhalh sangin Saptuam ihmu hih halh a haksza zawtham ahi”** ana chi. Huaiziak Saptuam a mikhat kahi, gingtu khat kahi' kichi ngala, khelhna nopsaknaa tangdente leh khelah lailaite phawn-halh a haksza zaw' chihna ahi.

Tulai gingtu nungtolh khavanglakte tuhtuisai [hippopotamus] toh kibang geih atam uhi. Aziakbel, tuisai [hippo] leng ihmu kawmk awm in tui aliau a, ahi a, amah ihmu anahi thouthou hi. Tuabang dana ihmu (lusu) gingtu (Pathian thu-awi) itam mahmahta uhi. Mi piangthak loute' n Halhthakna a poimohkei uh, a ziak ahibleh, Amah' kha aneih louh mawk ziak un ahi. Isak Newton in, **“kiphatsakna leh kideihhunna tuh gingtute' melma lianpen ahi”** achi hi. Laisiangthou a I muh mah bangun, Nenevi mite kiang ah, Halhthakna leh Pathian in A' ngaih – damna atun theihna dingin, a Kumpipa ua kipan aneupen tanin kisik in, Sai- ip puan a hon silh ua, huchi' n

PIANTHAKNA BUKIM NATANGTA HIA

- Nu Sialvung



Matthai 28:13,14 *“Zanin, ka ihmud kalun, a nungzuite tuh a hong ua, amah aguta uhi, chi unla. Huan, gam ukpan huai a nazak leh amah leng i khem ding ua lung himoh lou dingin i bawl na ke, a chi ua”* (Cf. Nasepte 2,3,4).

Tutungin thohnonna toh kisai thohnonna in atup leh angim i Laisiangthou pansanin sutkhomleng uthuakasa hi. Pianthakna ichihchih uh bangtantunge asam hi a, bangtan tungte abukim hi uhiam?

Apiantunga pan khebai mikhat aom a Biakin kong ah khutdoh in atusak uhi. Peterin dangka leh dangkaeng piakding konnei kei, Nazareth Jesu min in khe in paita in achihleh ahongdam maimah hi. Mipi te' n lamdangsa in Peter a en hekhok uhi. Peter in kou thilhihtheihna leh Pathian kagintak ziaqua koudamsak nasa uahia, kou damsak hilouin Pathian in asikha Jesu apahtawita ahi. Nou huai Jesu nagingta nuamkei uh chih ahilna uh ahongenke ziahziah hi.

nathat uh, himahleh Pathian in akaitou nonta, huai thohnonna theihpihtute kahi uh' (*Thohnonna thu mite' n aim mangsom lai in amaabel huai thohnonna theihpihtute kahi uh chiin genkeh ngam uhi*).

Huai thounonpa min in namai uah kading uhi. Huaiziak nakhelhna te uh thaimang ahitheihna dingin nalungsim uh khek un chiin agen uhi. Huaihun lai in Juda te' n Jesu thohnonna immang asom tinten uhi.

“Amah namasak ua Pilat in khah atuplaiin na utkei uhi. Misiangthou leh dik nadeihkei uh, sing ah Jesu khaikangin nathat uh, hinna siampa

Johan 8:31 i etleh Jesu' n Judate kiang ah *“ka thua na om gige uleh, ka nungzuite na hi taktak ding ua thutak natheiding uh;*

HALHTHAKNA [REVIVAL] HONG TUNG PETMAH HILEH NA MAITUAH NUAM TATAK NA DIAMLE?



- Pastor Goukhansiam Guite.

I messenger deihtoh omtak simtute I Lal Jesu Khrist min nou ngingei toh chibai awle!

Thupatna:

Kha masa a issue Vol.xxiv, June 2015, No.06, pek 13na ah *“Halhthakna I gam in ina taksap lianpen a himai diam?”* chih thupi pansan in ina kikum khinta uhi. Ka honglung geel kinkawn vengveng chiangin, tukha May in ni poimoh takmaite; Misonari-day, Nute-ni leh Pentikost-Day' chihte a hong kizom tou ua, kenleng hiai nipoimohte huapkha sakawm in, Halhthakna leh Khasiang thou I laka a tun ding banga a hongtung thei taktaklou hi' n lungsim ah message honglut hi' n kei ah kitheihna khat, thu hongtung om hidanin lungsim ah honglang om ziaquin tuate hon gelkhia in kikum nawnle chi' n ka hongkisa nawn hi. Tuate banah, Halhna-kha dou pawl, a nialkahl dia tangpangsa pawl leh halhna leh limna -kha puma pum-lauh pawl ki omseka, lauthawng bawl deuh ngaile zaw hikha mai thei. Halhthakna a maia maituah toh didan in kisa sinlehang I maituah ngam tatak ding uh hiam? Chih ki dottham ching hi' n kathei a, ki ngaih tuah masak tham ching hi' n ka thei hi. Tulai khovel ah, mi kithalawp leh pumphur zaw deuh a hong gamtat chiangun, “khami” or “halhthak” or “haatzou” kichi deuh tangpi in theih in om a, mi a hong haatlouh deuh chiangun lah, “haatlou” or “bah” or “nungtolh” ichisukpah zelua, hiai kikaal hih vagen fel seng di hieimahleh, houlim himhimle, Pathian muanna toh kachi hi. Bangteng hitaleh, Laisiangthou in, **“kha napeuh gingta kei un, a hihhangin Pathian a kipan ahiam chian zaw un”** [I Johan 4] a

thohnonnathu gennonlounding in akham bikbek ua, akhahta uhi.

“Hiai nungzuite hichiin ka ngaihtuah hi, avuakna uh sikai niauuaa toh, maibok letlut toh, khut tuam letlut toh, khebai luangluang toh, hong kimu khomin eiteng Jesu ziaqua thuaktaka ahon seh mahmah uh kipahhuai na e maw chi a thumkhonna nei dingun ka ging ta hi”.

Unaute aw ngaihtuahthak mahdih uh Jesu thounon taktak ahi chih theite' n sumtampi in akhong maimah uhi. Jesu vuina ahan vengtu sepaihte' n thil omdan athei mahmah uhi. Jesu thounon taktak ahi chih gup ngam sangin sumin akhong maimah uhi. Eite' n zong Jesu thohnonna thei hinapi in igum ngamkei ua, ihinpih ngamkei ua khovel khosakna ding lam ah ipilsan zota uhi.

PIANTHAKNA BUKIM

1. Mikhial hih kipomthei:

Eden apan Adam leh Evi in neklouhdnging singgah anekziaquin Pathian thupina tangzoulouin mitengteng mikhial ihi chih izakchiangin mikhial hih ikipomthei

pah uhi. Abaihlam khopmai eisepngailoua aomsa ahizhiakin. Mikhial hih kiphokziaqua piangthak kisakkkah abaihlam mahmah hi. Pianthakna bukim ahikei.

2. Jesu kakhelhna ziaqua si:

Kathuakdingtang Jesu' n Kross ah hongthuakin enghoua chiteng leh linglukhu khu in mualphoutakin leh vuak leh soisaka a omna keiziak ahi chih iphokchiangin kikhasia in ikhitui bang luangin mi lungsim leng khoih ahidia, Jesu sihna la kiphuaktampen ding in kagingta hi. Keiziak ahi chiin santheih pomtheih abaihlam mahmah hi. Hiaitan tungte leng pianthakna bukim ahina kei.

3. Thohnonna:

Thohnonna ichihchiang in khelhnate sihsan, phummangin, Nazareth Jesu a dingkia a hindng chihna ahi. Huai thohnonna tuh ei a dingin sinsak tu ahonghita a, ilungsim tengteng ithatna tengteng toh amah a dingkia a hingdinga kipiak angaita. Huaiziak in thounon hinkhua zangte kia hotdamna bukim nei ichithei hi. Toupau' n simtute thounon hinkhua a hingdingin honvualzawl chiatta hen aw

huan, thutak na thei ding ua, thutakin a honsuaktasak ding” achih hangin Judate’n kou kuamah suak leh sal in katangngeikei uh, Abraham suante kahi ua, kapa uh Pathian ahi chiin apangtinten uhi. Jesu thohnonna tangloupin Pathianta kahi kapiangthak achihtheih a, himahleh huai tuh hotdamna bukim ahikei.

Peter leh Johan in Thohnonna azenzomzel ziaquin Suangkulh ah akhum ua, thohnonna thu gennonlou dingin avau uhi. Himahleh Pathian thu gennonlouh naksangin Peter bang Khasiangthou in adim zosop hi. Huai Khasiangthoua adimna etton ding om hiin kathei hi.

Gingtute banghun ahia suangkulh a atan hun uh, thounon hinkhua ahonzattheih chiangun, thummi ahong hita ua, Laisiangthou sim ahong utta ua, Pathian houpihna tangin, thu leh la in ahongdimta ua, Pathian mite kikhophkomna ah sharing bang a kithalop ua, testimony genbang akithalop ua, Pathian toh kithuaha Pathian houpihna atante uh agenchiangun angaikhete’n nuam asatheih mahmah uhi. Himahleh Pharisai

paowlkhat in suangkulh ah khum anasom pah uhi. Hun piakin aomnontakei ua gensiat leh daltheihna teng, demtheihna teng in demin a om ua, huailaitak ahi suangkulh a khum a a omlai tak uh. Huaihunchiangin bahleh chausegop in naom maimah hia, Peter banga Kha a dim kikeih a i omzokding uh ahi.

Nungzuite’n dalna hahtuahua uh ahih manun Committee ahon nei ua, “Mihingthu hia imanding Pathian thu?” Chih ahongen khom ua, “Mihingthu imansangin Pathian thu iman ahoihzo” chiin ahahpan semsem ua, Kouzo bil a kazak uleh Mit a kamuhte uh genlouin ka omtheikei uh chi a, Krist thohnonna thu hangsantaka azenzom zel uleh nitengin gingtu akibehlap zel uhi.

Huchiin in Pharisai te’n leng pan nakpitak a honna non in nungzuite avau a vauthoh hinontalou in, thachihmit asomta uhi. Huchihlain Pharisai danthei aheutulanpenpa uh Gamaliel in, huaimite limsakonkei un mihinga pan ahihleh amangmaidia Pathiana pan ahithlebel nahihmang theikeiding uh, huchilouinzo Pathian dou na hikhading uh chiin akhou hi. Huchiin nungzuite tuh nakpitakin asoisa ua,

ana chih imu thei hi. Pathian in a, tapa Jesu Khrist tungtawn a Ahon Hotdamna peen kipahpih in ginom takin iseem khia in huai ah iki pakzelzel nahiam? Huaimah kipahpih in ei-leh-ei iki veelin iki entel zelna hiam? Hiaibang I Hotdamna kipahna mah I lungsung ah vom a keem masa photleng uthuai kasa masa hi. Aziaktuh, siatlam manohzaw in I teenna khovel in hon paipihta ahihman in, tuhun nanung lamah Setan nna sepa hong uang dedeuh zomah ahizhiakin, enah, huai naksangin Halhthakna tangtou zelin Pathian lam ah kihihhat kawm in ei gingtute paitou thei zelle chih ngimna in houlimna in neitou zelle chih deihna ziaquin hiaithu mah puakgik aneia veina nei leh awlmohna in hon kigelh zel ahi.

Hiaibang dotna poimoh iki dong masa phot zual lai ding: i) Halhna hongtung ding ideih taktakna uhiamle? ii) Halhthakna I deih chiatna u mawle? iii) Halhthakna I tang tatak ngam un I pom ngam na diamle? iv) Huan, Halhthakna hongtung leh, iki maituah pih ngam taktakna diamle? Chihte ki dot masak in nei photleng maw... akua zakdah louh di’n; tuma kum

bangzah hiam ana pailiamta in... Kambau’ crusade naniah leh lauthawng pawl, El-Bethel camp/ crusade ana sikha lauh a ana nial pawl a kipum dim. Pastor khat bang ngial in tuh a ji kiang hichi’n vauhilhin geenkhum miah hi, “hiai chialpi or crusade naa nava tela nava giahlut ngeingei alev, inn nahong tun kik hunhun nahon mou-van kentengteng na-nawlam ah napaw kik ngal dia, kei toh iki innkuan thei nawnta kei ding” chih genkhuma ki khaanzou tanghial uhi. A hoih natak khatle zaw om maithei a hoihkhilouh nakhatle om maithei, a koi abang hileh, eituasung or I Local Saptuam peen, muntuam a thu-le-la iva zakte ziaquin nuak bawl in thadah bawl kei hialehang chih a deih huai peen ahi.

Hichi’n genta maimai le’ng, khelk kisik ding ut mawngmawng lou leh thu nuailut nuam hetloute tung ah Kha-khanlohna leh Halhthakna a tung ngeikei hi. Tua ahilmanin, Khasiangthou in halhna nasep A’sep utdan iki kum nawn zual ding uhi: i) Kham a sisate hihhing ding, ii) Suksiatsate bawlpahat ding, iii) Hin - khua ngui leh iv) hatloute phawng halh nate ahi.

THOHNONNA
Phuaktu: Nu Sialvung

1. Aw lamdangin thupi hinah e
Hinna siangthou siampa athounonta
Kei migenthei hinglou ding kahinna hi
Aw alamdang in thupi hina e

*Kakhelhn a Kross ah kilhlum in
Hankhuk sung ah vukmangta
Sihna’n zoulou hankhukpan thounon*

2. Thohnonna hansuang phongdin van a pan
Agnel hong kumsuk in zin hongling hi
Khophia bang e vengmilauin misi bang
Aw alamdang in thupi hina e
3. Lawm aw thohnonna sum in nakhong hiam
Vengmi sepaih bangin khongkei ni e
Lei vualzawlina hi vankongkhak hongtu hi
Aw alamdang in thupi hina e
4. Eden apan mikhial hih kiphokj in
Kross ah kakhelhna kilhlum chimah leng
Thohnonna kei a hikei leh athon hi
Aw alamdang in thupi hina e

GAN VULH (BAWNG) AKIPAN SAWM A KHAT PIA

Pa L. Thianzalal S/o (L) Soizalian leh a inkuante a bawng uh piangkhe teng lak apan sawm a khat pekha uhi. Aomna saptuam, Songtal Presbyterian Church ah Pastor Nanglian Tonsing in April 3, 2016 ni in Pathian kiang a latna a neih zoh in saptuamten chiamtehna bawl in a bil atna hun zang uhi. Hiai bang a thilpiak thupi leh manpha ziaquin i biak Pathian in thupina tang henla, thupi sem pe thei ding in a vualzawlina in delhzui tawntungta hen. Kipak.

Elder Pumkhanlian
Secretary, Songtal PC

LUNG DAM LUA UNG

GA 2015 thupukna dungzui in Pathian hoihna leh makaihna ziaquin Singngat Presbytery Mission Fellowship (SPMF) puhkhia hita hi. Nidang in leng Presbytery level ah PMF ana dingkhe ngei a, tua tunding thak a ahong om nawn theih kipah huai mahmah hi. Meeting 1-na, thupukna 1-na dungzui in Presbytery sung a khua omte vehna ki nei zui ngal a, April 16 - 24, 2016 sungin Toupa’ ompihna toh kivehsuak ngal hi. Hiai hun ah thupi dingin “Hun na neih sungun a tam thei pen sem un” Ephesa 5:16 chih kizang hi.

Toupa hon pi dante thupi in lamdang hi. Hiai saptuam vehna ding ah Rev. M. Khamlianmang, Coordinator (Missions) in gari toh hon bul patpih a, membrete taksap tampi hon huksak banah Toupa leh A gam adia mi kiphah Pastor (int) H. Thiankhanmuan, S. Thadouveng in dangka 1000/- in hon kithuahpih hi. Amaute tung ah SPMF in kipah thu gen in Toupa’n a lehtampi in vualzawl hen chih ka thumna uh ahi.

Presbytery sung vehna-te a Pathian zahna toh vehtute ana vaitun, Mission nasepna dia theihtawp a pan ana lak nung ua, maban a sep zel ding lunglut saptuamte tungah Toupa leh SMPF Committee-te lungdam in PCI Messenger tungtawnin kipahthu ka hon pulak uhi.

Kipak.

Sd/-
Elder Zamminthang,
Secretary, SPMF

1. Elder Paukhanthang
 2. Deacon Pauminthang
 3. Mr. Singenthang
 4. Hauchinmang
 5. Miss Manlian
Adviser : Pastor K. Muankim -
 Superintendent SLP

Thanlon Presbytery PMF

Chairman : Elder H. Pumkhanlian
VChairman: Eld. T. Thangzakham
Secretary: Pst Nanglian Tonsing

Asst. Secy: Pst K. Dongkhanthup
Finance : Elder G. Ginzamang
Treasurer : Elder T K Zama
Member te:
 1. Elder Zakham
 2. Elder N. Dongzachin
 3. Deacon Lianlemthang
 4. Deacon Thianlam
 5. Elder M. Khanlal

Hiai Presbytery level a missions committee te ithumna uah phok gige ding in kuapeuh i kingen ihi.

TUAILAI ETTON TAK

Tuailai deihtoth huai tak leh etton/etteh tak mahmah mai Unaua Kapsuanmung Rayburn Presbyterian Church in missions nasepna alunglut dan athumai kia a genlou in khamangthangte a itna, veina leh hehpihna ziaikin Government apan hamphatna, Education Merit Scholarship First Installment a muh apan missionary gift ding in Rs. 10,000/-(ten thousand) Head Office ah hong pia hi. Hiai gift pen amah ngetna leh deihna bang in PCI(R) Head Office in, missionary te Pastor Chinsuanmang Cambodia leh Rev. B. Chinlamthang te Rs. 5000/- tuak piak ahi. Unaua Mung ahiehleh isaptuam project Covenant Children's Home product te lak a khat ahi. Pathian in unaua Kapsuanmung @Cozmung thupha pia henla, alaisinna ah ompih in, pilna, theihna, damtheihna hoihssem guan henla, lohching touzel ding in Pathian in ompih tawntung tachen.

Sd/-

Rev. M. Khamlianmang
 Coordinator (Missions)

PILNA LEH SIAMNA KIA HILOU AHI

By/- Intern Pastor TK Shyam Valte,
 Thingkangphai Presbyterian Church

Thumakai: Tulai a I gam diing mun uh, I etchiang in Solomon hinkhua toh I kibatna ut tamtak om hin ka mu hi. Solomon I chih Israel Kumpite lak a, Hausa pen, Pilpen, Zi tam nei pen leh Aminthang penpen ahi hi. Himahleh a hinkhua tawplam I etchiang in, minsiat huaitak in a hinkhua a zang bei hi. Huaimah bang in, eilak ah leng hauhsakna leh Pilna I zon dan un, Pathian hamsiatna hontut khak diing lau huai kasak man in, Solomon hinkhua apan saulou sutkhom leng kachi hi.

Solomon kua ahi: Solomon I chih Kumpi David leh Bethseba tate lak a, a nihna ahi a, Israelte'n Kumpi a neih masakte lak ua, a thumna ahi. A min dangkhat "Jedidiah; Pathian deihtak chihna ahi." Amau hunlai adia, Israel kumpite lak a, Hausa pen, Pilpen, Zi tam nei pen leh aminthang penpen ahi hi. A pa David in amah tha kheng diing a, Israel kumpi dia atate lak a, ana tel khiak om sun ahi.

Solomon Kumpi a apan ma in, a-upa' Adonija in Apa lalgam a tuh a, Joab leh Abiathar toh Enrogel tuinak kiang a, Gul suangpi ah belam, bawngtal leh bawngnou vakthaute a kumpi dia kithoihna, a

neihlai in Solomon chial leh sapkhak in om lou hi. Himahleh, Toupa'n Nathan leh Benaia makaihna in, Solomon tuh David Laltutphah luah diing in thau anilh uhi. Solomon Kumpi ahihapan anasep hoih mahmahte abanban in I ensuk diing uhi.

Solomon nasep hoihte:

1) Pathian kiang ah Pilna a ngen: Solomon in amah vuak a, chinlou a kisak ziaik in Pathian kiang ah vaihawm siamna leh Pilna ngen a, Pathian in a thil nget a kipahpih ziaik in, vaihawm siamna. Pilna leh Hausakna toh pia **khom hi**. "Na mite vaihawm

a teng dan in kikoih mahlehang Pathian sehna mun a teng ihih lam kimangngihl louh dei huai kasa. Toupan ei tungtawn in a tup leh ngim semsua nuam ahih dan kilang chiang mahmah hi in ka thei. Igam in vak thupi tak, khalam biakna ah, salam khovel pilna leh siamna sinna ah, khosakna ah, inten-louten ah leh kong bang kim ah Tangthupha tungtawn in lamdangtak in vualzawlina idong mahmah uhi. Hiai vualzawlinate among thei khovel thila zat bei mai theih ahi kei. Honpetu pahtawina ding, amah minthanna ding, tawisang a omna ding ahi. Adiklela gen in, ikiang zek a Tangthupha zanailou te kiang ah eite gending Pathian in hon phut ahihman in en genkei lehang kuan gen ding ahia le, eite mohpuak liauliau ahi. Gingu mimalte sem chiat, pang chiat, neitu leh mohpotu hihna lading a seh leh telte ihi.

Mitamtak ten Missionary nasepna ei ai(nna) tuam ala, malpan a sep dingsa, khenkhat in lah mi kuate hiam nna daan a I ngaihtuah ziaik in hih zoh vuallouh ding in kikoih sek hi. Himahleh Pathian nna sepna a kihelkhak hamphatna a ngai a sem dinge ihih

dan uh theih din dei huai kasa. A ziaik ahiehleh ei tellou a Pathian in nak septheih lua, annasepna a eite tesam ding a hamphatna honpia hi zaw daih ahi. Pathian in ahehpihna ziaik in ata din honbawla, avanzat din Kha Siangthou thopna hon tangsak, gingtute pangkhom thei din kipawlkhomna saptuam hon bawlsak lai hi. Tua ahih man in missions nasepna tuh isep louhtheihlough ahi.

Pathian sapna dawng, saltanna apan suahtaksakna hamphatpih, khalam middel ihihna apan suahtaksak te, Pathian thilgel leh thuchiam muchet theihna tang te, Pathian sapna tang leh apoimoh bangbang a neih-leh-lam tanpha laankhe ngam dia kipekhia ding a vualzawlina chikima vuk a omte ihi uh. Pathian thilgel hiai missions nasepna ah panglou a om maimai thei vual ihi nawn kei uh. Thouni in suahtakna tangthupha puangzak ding in ikipan ding uh.

Awle, I saptuam a missions nasepna lamzang leh hat zaw sem a ipai ding lametna liantak toh GA 2015 in PMF Presbytery level a bawl khiak hoihsa in thupukna bawl hi. Hiai sepsuahna

(*Ikumpipate 2:11-16*). Huchiin, Toupa, a thuchiam banga honhihkip, ka pa David laltutphaha hontusak, inkuan honna phuhkhiaksakppa hinna louin ka gen hi. Adonija tuni mahmahin hihlup ngeingei ding ahi, chiin a kichiamta a. Huchiin, kumpipa Solomonin Jehoiada tapa Benai a sawla, aman a vasuala, a thatta hi(*Ikumpipate 2:24-25*). (**Comment**: Ei-te'n I nek muhna diing ahihnak leh, makai hoihlou chih om sakselou in, makai hoihlou I sak simte bang uh leng tawsawn I bang uhi).

3) Israel lalgam a tungdiing a, a gamsung kivaihawm hoihzawk na diing in, Makai tuamtuum a sepkiak ban ah, Temple thupi taktak a bawl khia hi a, gamsung ah lemna leh muanna tun diing a, agam kiimte toh kal ah leng kimelmakna omlou hi (*Ikumpipate 4:1-19; 5-6*). (**Comment**: I sepna leh seppihte toh kal ah bang I chi a, Pathian gamna sepna ah kua mah toh kituak thei lou himhim I hi diam?)

Solomon Hihkhelhte: Solomon Kumpi diing a thaunilh atan apan in,

Pathian laukawm in Nasem hoih mahmah a, himahleh ahinkhua tawplam I et chiang in Pathian deihlouh dan hinkhua honzat apan in, alalgam leh Kumpi thuneihna hong kekzak hi.

1) Nopsakna a deihluat ziaik in a hinkhua ah kipahna mulou hi (Ecc1 2:1-13). Hausakna, Pilna leh Siamna ah, kua mah englou hi, Israel kumpite lak a Hausa pen leh thil hihthei pen ahi hi.

2) Zi tamtak nei a, Zi-700 leh Mei-300 bang nei mahleh, Hiai a zi te'n Kipahna leh lungnop na pia lou ua, Amah a diing in Pathian toh Kigamla sak semsem hi.

3) Milim bia, Pathian theilou zi a neihziaik in, a zite pathian biakna ah pilut in om hi (*I Kumpipate 12:1-4*).

4) Israel mite Egypt ah sal in a pilut a (*I Kumpipate 12:1-20*), Mipite zalenna sang in gentheihna a tun hi.

Solomon hinkhua apan sinlai:

1) Maikai te'n Pilna/ Vaihawm siamna Pia pa kiang a, I thum diing uh ahi.
 2) Pathian biak inn hoih taktak tun khiak a, Pathian bia diing

sakna dingin na sikha theihna lungtang pia in, a sia leh a pha ka khen theihna dingin; na mi hiai zahzah kuana hia vaihawm sak thei ding? a chi a. Huan, Solomonin huai a nget jia kin huai thu genin Toupa a kipaksak mahmah mai a. Huan, Pathianin a kiangah, nang dam sawtna kingetsak loua, huchibang na nget jia kin leh, hausaknate leng kingetsak loua, na melmate sihna leng ngen loua, vaihawm siamna na kingetsak jawk jia kin, Ngaiin, na nget bangin ka hihta: Ngaiin, pilna leh theihna lungtang ka honpia; huchiin, na maah nang bang mahmah kuamah a om kei ua, na nungchiangin leng nang bang mahmah kuamah a hongom sam kei ding uh" (1 Kumpipate 3:8-12).

(**Comment:** Heutu/Makai khat I hihna ah, Pathian kiang ah I makaihna toh kisai in, Bangchin I thum a?)

2) Makai thudikloute, a tawp sak hi: Solomon in a gamsung a, dik-loutak a makai pansawm

Adonija nu Haggi, in Adonij Ji diing in Sunam mi, Abishak ngetsak diing in Bathsbeba a sawl hi. Bathsbeba in Haggi ngetna Solomon kiang tun mahleh Solomon in a ngetna nawlkhin sak hi. "Israelte tunga David lal sung bel kum sawmli ahi: Hebron khuaah kum sagih a lal a, Jerusalem khuaah kum sawmthum leh kum thum a lal. Huan, Solomon bel a pa David laltuphah ah a tu a; huchiin a gam nakpi taka hihkipin a hong omta hi. Huan, Hagith tapa Adonija bel Solomon nu Bathsbeba kiangah a hoha. Aman, hoih lam thua hong na hi maw? achia. Aman, hoih lam thu ah hi e, a chi a. Huan, na kiangah banghiam gen ding ka nei hi, achi nawn a, aman, gen ve, achi a. Huan, aman, gam keia a hita chih leh, Israelte tengtengin leng kumpipa dingin kei a hon en thek uh chih na theia: himahleh ka unaupa adingin gam a nahei nawn zota a: Toupa nana seh danin amaha ahi him ahi. Tuin thil khat honngat ding ka nei a, pha honsak sak lou mahmah ken, a chi a, huan, aman a kiangah, gen ve a chi a"

ding toh kisai 2016 PMF meeting khatveina ah genkhawm ahia, Resolution No. 1 dungzui in sepsuahna nna Presbytery Superintendent te mohpuakna a koih phasak ahi. Tu in hiai toh kisai sepsuah ahitak man in kipahhuai i sa. Amauten maban ah Presbytery sung a missions nasepna hatzawk semna dingin pan hon la ding uh ahi ta. Huaiziak in local saptuam leh mimal kuapeuh in thumna a phawm a, kithuahpihna khut taklam ana pechiat ni. Committee member te abanban in itak lang ding:

Lamka Presbytery PMF

Chairman: Elder H. Vungzamang
Vice-Chairman: Deacon Gindou
Secretary: Deacon Lamkhangin
Asst. Secy: Elder Pumkhogin
Finance: Deacon G. Khampu
Treasurer: M. Chinzakam
Adviser: Pastor P L Thanga (Superintendent LP)
Member te:

1. Elder T. Haugou
2. Deacon TS Mangsuan
3. Elder P C Parte
4. Deacon Zamsuan
5. Elder Lalkhanthang
6. Elder H. Thuamson
7. Chairman (Local PMF)

Co-opted - Members

1. Pastor T. Liankholal
2. Pastor Goukhansiam
3. Pastor Ngamintan

Singngat Presbytery PMF

Chairman: Elder M. Vungzapau
V/Chairman: El. Chinkhozam
Secretary: Elder Zamminthang
Asst. Secy: Elder C. Thahthang
Finance: Elder Dongkhansut
Treasurer: Superintendent
Member te:

1. Elder Thangenkap
2. Elder Pauenthang

Adviser: Pastor Khamzamung (Superintendent SP)
Ex-Officio: Singngat Presbytery sung a Pastor teng (Pastor M. Thangkhanmuan, Pastor G. Kamchinthang, Pastor V. Suankham, Pastor (Int.) H. Thiankhanmuan

South Lamka Presbytery PMF

Chairman: Elder Thanglianmang
V/Chairman: Deac. C. Thanlian
Secretary: Deacon Haupou Guite
Asst. Secy: Mr. Thanglal
Finance: Deacon Ginminthang
Treasurer: Deacon Paukai
Member te:

- mihing I bawl khiak khat louh diing lau huai mahmah hi.
- 3) Zi tam neihziak a kipahna piang hilou in, Pathian toh tawnkhawm in kipahna hon tunzaw hi. Solomon in Zi tamtak nei a, a Zi te' biak piakna diing Temple thupi taktak tunkhiak sak a, Amah leng a tawpna ah, A zite biak piakna ah pilut in om hi. Tua mahbang in tulai in I gam ah, numei tamtak in, a Pasalte uh Pathian gam Nasepna ah peibuai gai uhi. A kilawm leh Nalh mahmah pathian min a I septe un, Pathian kipahlam a hihkhak louh diing lau huai mahmah hi.
 - 4) Hausakna leh Pilna ah Pathian a panglauh chiang in Innkuan siatna tun hi. Ei-te'n leng Pathian tellou a, Pilna leh Hauhsakna Idelhsung teng un, I khosakna ah, kipahna leh Nopsakna I ngahngei kei diing uhi.

Thukhitna: Israel Kumpite lak a, Hausa pen, Pilpen, Aminthang pen leh Sepkhiak tam nei pen Solomon ahi. Solomon nasep

khiak mit a muhtheih tuh a Temple lamte ahi hi. Pathian biakna diing Temple tamtak ana bawl khia a, himahleh Temple kisinsakna toh Amah Gamlapi ah khosa hi. A Zi tam neihziak in anasep hoih tengteng bangmah lou suak hi. Toupa'n tuchiang dawng in, Ikipat tunglai sang in, **TUA** I dinmun/hihna tan in I tung ah thutanna bawl diing hi. Mangkangte thupil in, "**Begin well, Continue well and End well**" ana chi uhi. Solomon in a hinkhua patna hoih mahmah a, a tawpna tuh Milim biakna in zou hi.

Eite lak ah zong solomon bang in, hinkhua I zangkha diing uh chih lau huai kasa mahmah hi. Makai I pantung a hoih mahmah napi **TUA** Zu-leh Sa, Numei-leh Pasal kal a thangtat, Diktatlou leh Gin-omlounha toh Pathian Na I sep uleh, Pathian thang paihna I tung ah hongtung ngeingei diing hi. Toupa'n Nasepsate ziak in na tung ah vaihawm lou diing a, **TUA** na dinmun ah, Na tung ah vaihawm diing hi. Toupa vaihawmna tuak di' n, na diin mun bang ahia?

Dated: 06042016
valteshyam@gmail.com

PATHIAN THILGEL MISIIONS NASEPNA

Rev. M. Khamlianmang, Coordinator (Missions)

Tumlam gamte Pathian in a thilgel missions nasepna a tel ding in ana tel a, avanzat thupitak an hia ua, amaute tungtawn in Tangthupha ina hamphatpihta uh. Eiten leng hiai Pathian thilgel missions nasepna nna tumchiang a semtheita ihih manin kipahhuai isa. Tangthupha izakna kum 100 valta ahil man in hiai nna sepding eite adia uangbaw hun mahmah chih theih in om hi. Gingtu mimal leh saptuam pawlpi Pathian in akoih nasan tuh missions nasepna nnapi pen(primary task) a neih ding chih ahi. Huai tuh mangthang tamsem Pathian kiang a pilut a, Pathian in thupina atan ding ahi. Hiai Pathian thilgel missions nasepna a mimalmal te ipan theih na ding in Pathian in hun lemtang hon bawlsak in hong zang nuam hi.

Pathian in amite tungtawn khovel pumpi ah Tanchinhoih genzak in nna sem hi. Eite lak a gospel hongtung leng Pahian tangtawn thilgeelna a piang ahi. Pathian in hon telna ziak thei a dingkhia a, kuan hunhita. A ziak tuh tangthupha hong lut a, kintak a akhan dan dungzui in saptuam Pathian zat tham a lian ihil tak man un. Hiai hamphatna nei hinapi a isep kei leh midang khut ah hiai nna poimawh tak piak ahi ding. Mihing ten sum muhna ding, nek muhna leh sepa muhna ding, nek muhna ding izon pen uh ahi.

Himahleh Pathian thilgel tuh a Tanchinhoih gen a mite akuan ding, huchibang mite venbitna piak ding leh apoimoh khempuuh uh piak, vualzawl, leh kithuahpih ding (Gen. 12; Matthai 28:19). A diktak a genin Pathian in asape a sepa mun ding uh leng apezel. Israelte gamlai giltak, khovel a ginglou mihonpi tuamtuamte umkim vel namun ah akoih. Eite leng huchibang mah in mun poimohtak ginglou mi tamtak umkimvelna mun ah hon koih Pathian thilgel ahi ichilou thei kei. Ei utna munmun tel


Manipur lam ah lut tani uh awle. Kum 1904 in Welsh gam ah Pathian thu a halhna (Revival) nasatak a tung hi. Huai ah mi tampite lak ah Dr. Peter Fraser leh valnou Watkin Roberts (Sap tangval chia sap) te leng halhna tang in Kum 1908 in Aizawl ahong tung uhi. A missionary nasep patnate lak ua khat tuh amauma a ten tanchin hoih Johan laibu ana gelhsa pen uh bu 106 a lei ua, hausate leh a mi muante uh a khak uhi. Johan bu copy khat Manipur simtum a Senvon khua hausapa Kamkhulun in ana mukha a, asim a, akipahpih mahmah a, hilehleng a thu omdan a thei kei hi. Thei ut tenten in a laibu peek awnna ah "Non laibu khak uh ka kipahpih mahmah. Hihlehleng a gen ka thei kei a, nou mahmah hong unla, hong hilhchian un" chih a gelh a, mi sawl in Aizawl ah ava pesak hi.

Hiai laikhak amuh phet un Missionaryte kipak lua in "Hiai ah sapna kipah huai lua aom" kichi in Senvon a zin didan a gel pah tingteng ua, huchin May 3, 1910 in Aizawl akipan in Watkin Robert makaih in Vanzika, Savoma, Thangchhingpuia, Thangkai leh Lungpau (a nunungte gel Manipur mi) ahong kuankhia uhi. Lampi gina tak omlou, zongtawm kawm in ahong pai ua, gamsa lauhuai pipi gamtatna leh gul leh tangte lauhuai pi lak a haksatak a hong pai teitei in, May 7, 1910 kum in Senvon, Manipur, a hong tungta uhi. Toupa hon chingpa, hon nuse ngei lou min phat in om hen!!

Hiai bang ahi tomchik a Pathian Hing hotdamna thu Manipur a hong tun dan. Halleluiah Amen!

MANIPUR A PATHIAN HING THUPHA HONG LUT DAN

Elder (Emt.) H. Thuamson, Chairman PMF



A simtute khaalna in a tung a thupi saulou in anuai a bang a gelh ahi.

Kum 1834 in Manipur Lengpa Gambir Singh a sita hi. Zi bangzah hiam nei ahimanin tapa leng bangzah hiam a nusia hi. A sih ni akipan in atate lak ah gou leh gam banah Leng tutphah a tu dinga kilamente ziakin a inpi sung buaigu mahmah hi. Huchi vengvung lak ah kum 1886 in Lengpa suante laka khat Surchandra Kirti Singh tuh apa sik leh tangin Manipur Leng (Maharaja) in a hong pangta hi. Amah panna a pang nuam in a sanggamte Kulachandra Singh in Manipur leng dan in hong kipuanga, Bir Tikendrajit Singh tuh sepaih lianpen (Army Chief) in a pang a, aman thuneiha taktak a tawi zaw sim hi. A insung uh buai chihhtakin hong buai zak ua, tua hunlai in Bristish-te India a thunei mahmahta ahimanun Surchandra Singh in Calcutta a va hoh in British Governor General kiang ah Manipur leng dia amah gum dingin ava ngenta hi. Mangkang solkar in leng a laltutphah kituhpihte gawtna piak ding ngiat kawm in ana pomta uhi.

Hiai laltutphah kituhna thubuai uhi. Mr. Greenwood, Political suveng thei dingin Bristish solkar in Agent (PA) leh European Officer thuneiha neita uh ahimanin Assam sagih toh Durbar a thubuai neite a Chief Commissioner Mr. James sap nung un leng a veng thei kei hi. Wallace Quinton, Gorkha sepaih Atawp in, lengpa compound ah 400 guard in Manipur ah a sawlta ava lut ua, buaina sousang semsem

in, mipi'n Chief Commissioner J.W. Quinton leh European official sagih-te Palace Compound ah ana that vek uhi.

Banghang a hiai lengpa insung a ki honthahna gen ngai hiam i chih leh, hiai kithahna thu Calcutta a missionary William Pettigrew in a theihtakin Manipur phaijang a Meiteite lak a Jesu Krist tangthupha tut ding a utna a neih loh ziak ahi. Manipur gam a lut theihna ding phalna a ngetna a- ngak lai in 1894 in phalna ngah in, Imphal a hong tungta hi. Hiai phalna petu PA Porteous ahi. Kilawp leh kipaktak- a aom lai in Maj. Maxwell PA suti hong tung kik a, Manipur lengpa'n phaijang a meiteite lak a school honkhiak ding phal mahleh Pathian hing thugen ding a phal bilbel louh zia kin amah leh amah moh kipuak ding in Manipur suahlam Ukhrul singtang mite lak a kisan ding in a phalsak hi. Manipur Valley a Jesu Krist tangthupha William Pettigrew mah in mohpuakna alak ding a chi thepthup hi. Hiai tuh tribalte vangphatna a suak a, Meiteite'n a hun hoih, hamphatna ding uh a tanta uhi. Jentel saptuante i vang nei chih bang deuh ahi.

1895 in W. Pettigrew in Ukhrul ah kuamah gen ngei louh tanchinohih chi tuh dingin a lut a, amah missionary dia sawltu Arthington Aborigine Mission ten lah a sawlna uh Meitei lak a omlou chi in a loh (salaries) bang a sutawp ua, chawmtu bei in aom hi. Amah leng Assam a Jorhat a kikhual America Baptist (AB) Missiote kiang ah ava kihil a, kei Baptist ka hikei a, hilehleng na Missionaryte lak ua khat dia na hon deuh uleh Baptist missionary ka hi dia, Ukhrul ah ka na patsa hon sunzom sak un ava chi hi. ABM te'n leng kipaktak in khawmpi lian ah ana pomlutta ua, ana ngei mah sem dingin a phal sak uhi. Huaiziakin tuni chiangin leng unau Tangkhul Nagate leh Sadar Hills lam a unau Kukite Baptist ahi vek phial uhi. Hiai bang ahi Manipur suahlam a Gospel hong lut pat dan. Manipur singtang gam pumpi William Pettigrew mohpuakna hilehleng Manipur South West, tulai a Churachandpur District i chih lam hon sawk pha ban lou in aom a, TANGTHUPHA za man lou in i pu leh pate uh khang tampi a mangthangta maizen uhi. Poi na tel e aw!!! Watkin Robert leh Peter

Fraser om keileh bang i suakta phet dia??

Jesu Khrist itna in batlah a nei kei a, 1894 kum a Imphal a William Pettigrew hong tun kum mah in Aizawl, Lushai Hills (Tulai a Mizoram) ah 1894 kum in Rev. F.W. Savidge (Sap upa) leh Rev. Lorrain (Pu Buanga) ahong tung uhi. Pathian min phat om hen! Missionary Savidge leh Lorrain ten Hausa 3 (thum),- Durtlang hausapa Suaka, Chaltlang hausapa Thangphung leh Lungleng hausapa Kamliana-te kihoutheihpih in amaute akipan Lusei pau a zil ua, hausaten leng missionaryte apan in lai a zil uhi. Huchi'n kum 4 sung lel in Tanchin Hoih Luka gelh, Johan gelh leh Nasepte a bu in a suahkhia uhi. Lushei A AW bang leng a bawlsak uhi. Huaite mah in Vialphung toh Paite sintungbu A AW bu a bawl ua, himahleh zat louh in a thelthang denta hi. I poimoh uh Pathian in theigige in Japan gal (khovel kidoupi nihna) sungin Kaihlam khua ah kum 1945 in Rev. Nengzachin, National Missionary in Japan leh Allied Force te kidou zia k a galtai a hong

om in Paite SINTUNGBU ahong bawl a, hiai hun in i kim leh kiang ah kuamah nam lai nei lou in a om lai uhi (Lusei pau chih louh). Hiai article gelhtupa ngei leng Pu Nengzachin paite pau a SINTUNGBU a bawl, Pu Thangkhaiten a tanu uh Suakhnun theihgigena dia a sut ua kipan laizil kipan ahi). Rev. Nengzachin in Japan galtai sung a Kaihlam a Junior High English School hong in i laisiam masate uh tampi na bawlkhia hi.

Kum 1897 tuh Welsh, England a kipan in David E Jones, Missionary in Aizawl hong tung a, 1898 in Rev. Edwin Rowlands huai mun mah ahong tung hi. Ama lam a missionaryte hun in Mr Lock, Bara Saheb (Superintendent) ahi a, huai in a Missionaryte tungin na a semkhawm uhi. David E Jones leh Rowlandte ahong tun un bel Borhsap in Col. Shakesphere a pangta hi. Rowland lai hilh siam zia k, la siam zia k leh kuhkal zia kin Schoolte a hoih mahmah ua, solkal schoolte phiat in, a sum sente uh Mission School ah hon zang vek zawzen uhi.

May
2016
Presbyterian Church in India (Reformed)
pci
MESSENGER



March 2016 apan Singgat Presbyterian Church in IEM (Indian Evangelical Missions) tungtawn a missionary i support thak uh Mr. Lamkhanmang & Family ahi. Amah tuel in Dharamsala, Kangra Dist, Himachal ah a inkuan un omlel uhi.



If undelivered, please return to:

The Editor
PCI Messenger
P.O. Box-32, Presbyterian Church in India (Reformed)
Head office : New Lamka (H) 795128
Manipur, INDIA

BOOK POST

To:

PRODUCTION TEAM**Editor**

Rev. Khen P. Tombing
C/No. 9862088190

Jt. Editor

Rev. H. Chin Thiansong
C/No. 8731850322

Contributing Editors

Rev. G. Suanzalam
Rev. Khamlianmang
Eld. T. Khupzadou
Eld. Langkhanpau Guite
Eld. N. Thangzamawi

Cir. manager

Mr. C. Biaklun

THU TUUNTE

Editorial	01
Mothers Day	02
Pianthakna Bukim	05
Pilna & siamna kia hilou	09
Manipur ah tanchinhoih	13
Pathian' thil gel	13
Halhthakna ...	22

Head Office

Presbyterian Church
in India (Reformed)
Box -32, Hebron Veng,
New Lamka 795006
Manipur, INDIA

Subscription Fee

Rs. 10/- per copy or per month

Website of the Church

<http://www.pcireformed.com>

A sung a thu
kisuahte editorial board
ngaihndan ahivek
kei.

Printed, published and edited by Rev. Khen P. Tombing at Diamond Offset
Press for the Presbyterian Church in India (Reformed)